



Vijeće za konkurentnost

Broj: 02-02-895-1/14-XXVIII

Jablanica, 26.12.2019. godine

Izvod iz zapisnika sa XXVIII sjednice Vijeća za konkurentnost općine Jablanica održane dana 26.12.2019. godine sa početkom u 9:00 sati

Prisutni: Salem Dedić – Općinski načelnik, Dženan Mulahasanović – Sekretar Općine, Jusuf Džafić, Voćepromet d.o.o. Jablanica, Nezir Kevrić – Jablanit d.o.o. Jablanica, Muamer Džino – Euro kamen d.o.o. Jablanica, Uzeir Zahirović – BH Granit, Ramiz Zahirović direktor JP EP BiH - Podružnica Jablanica, Admir Đelmo - Savez poljoprivrednih udruženja Jablanica, Kemal Muratović - predstavnik Službe za zapošljavanje HNK – Biro rada Jablanica, Amel Halebić – Udruženje privrednika Jablanica, Amela Muratović - Služba za LER, investicije, finansije i trezor, Amira Nuhić – Služba za upravu za prostorno uređenje, građenje, zaštitu okoline i stambeno – komunalne poslove i Jasminka Omanović – Služba za LER, investicije, finansije i trezor

Odsutni: Mate Mijić predsjedavajući Općinskog vijeća Jablanica, Fadil Kevrić – Elektrofak d.o.o. Jablanica, Edin Budim – Labrador d.o.o Jablanica, Jusuf Maksumić – Restoran JABLANICA, Ivan Zelenika – predstavnik JP EP HZHB.

Zamjenik predsjedavajućeg VZK -a Dženan Mulahasanović, pozdravlja prisutne, daje uvodnu riječ i otvara XXVIII sjednicu VZK –a i predlaže slijedeći Dnevni red:

1. Izvod iz zapisnika sa XXVII sjednice VZK-a
2. Odluka o komunalnoj naknadi – Prijedlog
3. Program subvencioniranja privrednih subjekata na području općine Jablanica – Prijedlog
4. Budžet - Proračun općine Jablanica za 2020. godinu - Prijedlog
5. Operativni plan implementacije Integralne strategije razvoja općine za 2020. godinu sa programom realizacije kapitalnih investicija - Prijedlog
6. Razno

Predloženi Dnevni red jednoglasno je usvojen.

Ad. 1. Izvod iz zapisnika XXVII

Dženan Mulahasanović daje zapisnik na raspravu.

Općinski načelnik pozdravlja prisutne i navodi da se najavljivao kod aktuelnog ministra kako bi razgovarao po pitanju problema eksploatacije prirodnog bogatstva – kamena Gabra i pitanja dodjele koncesije što je i bio zaključak XXVII sjednice VZK –a, te da je to ostala neizvršena obaveza do imenovanja nove vlade, tako da ovaj zaključak sa XXVII sjednice VZK – a treba ostati na snazi.



Izvod iz Zapisnika sa XXVII VZK –a je jednoglasno usvojen.

Ad.2. Odluka o komunalnoj naknadi - Prijedlog

Dženan Mulahasanović daje drugu tačku dnevnog reda na raspravu.

Općinski načelnik u daljem izlaganju navodi da je ova Odluka prošla sve procedure javnih rasprava, kao i to da je odgođena obaveza plaćanja za preduzeća koja su u stečaju, kao i za građane.

Nezir Kevrić predsjednik udruženja klaster kamena Hercegovine predlaže da i oni koji nisu prijavljeni treba da plaćaju komunalnu naknadu, kao i preduzeća koja su u stečaju. Dalje navodi da je obaveza Općine da u oblasti ugostiteljstva izvrši nadzor za obavljanje djelatnosti, i predlaže istu za ovu sjednicu VZK –a.

Predsjednik Udruženja privrednika općine Jablanica g. Jusuf Džafić predlaže da Općina napravi komisiju koja će izvršiti provjeru ko koristi zemljište, te da jedno zemljište ne može imati tri vlasnika, te da se na osnovu te provjere odredi ko treba da plaća komunalnu naknadu.

Ramiz Zahirović direktor JP EP BiH - Podružnica Jablanica u svom izlaganju navodi da je Odluka o komunalnoj naknadi koncipirana tako da se pare uzimaju samo od elektroprivrede.

Nakon toga zamjenik VZK - a je dao Prijedlog Odluke o komunalnoj naknadi na glasanje koja je izglasana sa 8 glasova ZA i 1 SUZDRŽAN uz zaključak da VZK daje podršku Službi za upravu za prostorno uređenje, građenje, zaštitu okoline I stambeno – komunalne poslove, te podržava Odluku o komunalnoj naknadi koja je upućena Općinskom vijeću.

Ad.3. Program subvencioniranja privrednih subjekata na području općine Jablanica - Prijedlog

Pomoćnik općinskog načelnika Službe za lokalni ekonomski razvoj i investicije, finansije i trezor gđa. Amela Muratović pozdravlja prisutne i detaljno je obrazložila ponuđene materijale i u svom izlaganju posebno napomenula da je Program subvencioniranja privrednih subjekata na području općine Jablanica malo dopunjen jer su politički subjekti dostavili amandmane na isti.

Prijedlog Programa subvencioniranja privrednih subjekata na području općine Jablanica bit će dostavljen Općinskom vijeću na usvajanje.

Muamer Džino pozdravlja prisutne i interesuje se da li se ovim programom subvencioniranja privrednika moraju kupiti nove mašine ili mogu i polovne.

Amela Muratović je obrazložila koja vrsta opreme i mašina se može kupovati kroz ovaj Program.

Admir Đelmo pozdravlja prisutne i predlaže da se i neka druga udruženja mogu subvencionirati putem ovog programa, te da se to stavi u smjernice, kao i to da se uvrste bodovi za članove saveza poljoprivrednih udruženja.

VZK daje podršku Službi za lokalni ekonomski razvoj i investicije, finansije i trezor, te podržava Program subvencioniranja privrednika na području općine Jablanica.

Ad.4. Budžet - Proračun općine Jablanica za 2020. godinu – Prijedlog

Ad. 5. Operativni plan implementacije Integralne strategije razvoja općine za 2020. godinu sa programom realizacije kapitalnih investicija - Prijedlog

S obzirom da su tačka 4. i tačka 5. ovog usvojenog Dnevnog reda usko povezane, te su iste uz saglasnost svih prisutnih o njima raspravljalo zajedno.

Pomoćnik službe za LER i investicije, finansije i trezor gđa Amela Muratović u svom izlaganju ističe da su napravljene izmjene u projektima koje su se desile kroz podnošenje prijedloga Budžeta i prijedloga Operativnog plana implementacije strategije, a koja se odnose na narednu godinu. Nakon što je obrazložila izmjene u projektima koje se odnose na iznose sredstava, istakla je još jednom potrebu ažuriranja Plana nakon što Općinsko vijeće Jablanica usvoji Budžet za 2020. godinu. Izvještaj je detaljno obrazložila i iznijela najzanimljivije detalje istog u okviru strateškog fokusa, cilja i sektora, te se osvrnula na brojčane pokazatelje kako u apsolutnim iznosima tako i u postocima. Operativni plan implementacije prati projekte koji su u Budžetu /Proračunu Općine Jablanica za 2020. godinu, istakla je gđa Muratović u svom izlaganju.

Zaključak: VZK daje podršku Budžetu Općine Jablanica, kao i Operativnom planu implementacije za 2020. godinu.

Ad.6. Razno

Nije vođena rasprava.

Sjednica VZK – a završena u 9:40 sati.

Zapisnik vodila

Vildana Lulić

Predsjednik Vijeća za konkurentnost

Jusuf Džafić